


戊編下

耆社志

四



耆社志卷八目

戊編三

湛露恩禮



萬曆二年

三月

萬曆二年八月

耆社志卷八

豐山 洪敬謨 編

戊編 三

湛露恩禮

四十九年癸巳正月 上御資政殿召見耆社諸臣
上新摸八司影幘召見諸臣二十二日出 御資
政殿 世孫侍坐禮房承旨入侍 上曰汪書出
去影幘班簇盡為與否知入假汪書李永穆出問
還奏曰姑未盡為云矣少頃都監都提調金陽澤
堂上蔡濟恭趙重晦鄭厚謙奉 影幘簇子入未

王世孫下殿庭祇迎承史亦隨下俯伏因陪入殿
上奉于西壁上 上曰時原任大臣著社堂上二
品以上儒臣春坊來侍者皆使之入來諸承旨亦
隨入奉朝賀洪鳳漢領府事金相福判府事韓翼
謩金尚結領議政申晦左議政李儼右議政李思
觀判府事元仁孫耆臣行知事李益炆南恭齋奉
朝賀南有容行司直沈星鎮邊致明趙榮進俞彥
述高夢聖禮曹判書沈穀知事金始煥李齊臣安
僊洪晟宗臣二品以上承旨玉堂春坊以次進伏
上曰典未粧簇一樣乎陽澤曰果無異矣臣等以

為玉色韶華過於七八分矣濟恭曰臣以為描
未盡韶華矣上笑曰韶華極為異常矣命揭西
壁上教曰予若一見可知矣命厚謙讀奏標題
仍賜饌王世孫以蜜水進酌都提調都監堂工
及金漢者以次進酌諸臣進伏奏職姓名至金始
煖上按其手曰予之同甲來矣至邊致明上
曰近日筋力何如致明曰臣仰瞻天顏與今日
感舉死無恨矣世孫進前呼高殿上諸臣一齊
呼高上笑曰必是世孫事也命退

三月命賜耆社諸臣夫妻人宴需

初一日 王世孫率羣臣稱觴上壽兼行內宴有
耆社老人妻以外命婦入叅內宴之 教耆臣中
李益炆邊致明偕老而病未入叅乃有耆社有夫
妻人宴需題給仍令夫妻同受
行養老宴耆社諸臣進叅

初三日 上行養老宴 命諸耆臣日升後入來
以示尊年之意又 教曰予當扶杖陞座以君臣
同年之意扶杖等節亦為申飭

宣溫賜樂于耆社

初五日 上特遣承旨宣溫賜樂于耆社又下

御製使賡進

上御集慶堂召見進箋耆臣

初六日耆臣等奉箋詣闕謝恩 上召見各詢起居接以家人禮 教邊致明曰何日設宴乎致明曰適有家故從當設行矣又賜餅仍 命諸耆臣各述其年齒踐歷如古人自叙之例以進後日耆臣領議政韓翼謦判敦寧李益炆知事南恭齊奉朝賀南有容知事安允行行副司直沈穀奉朝賀李光溥知事沈星鎮奉朝賀金始煇行副司直邊致明趙榮進俞彥述高夢聖知事安傳行副司直

洪晟知事率受米漢城府左尹李廷詰各述詩文
以進 上命承旨讀奏 教曰此耆社諸臣生謚
狀也下 御製序文并于首令芸閣活印一入于
內一入于冲子亦名賜耆臣以為垂示永久之意
七月 上御德游堂受忠勲府進饌

二十八日忠勲府進饌 上御德游堂親受大臣

請政府六曹進饌 上曰必也正名厨院尚方則

與懷而許之政府六曹則決不可許八九月則並

與物膳不許矣翼謩曰耆社則 殿下之司也獨

不俯諫乎耆社諸堂將以明日進饌已辦供具今

方來待於闕外矣

上命耆社諸臣入侍判敦寧

李益炷知事南卷齋行司直沈穀知事沈星鎮安
傑行司直俞彥述趙深進高夢聖進前益炷曰昨
今日許三府進饌而獨不許臣等臣等之心何如
乎廚院尚方則自上興懷而至於耆社即殿
下之司反不如三府可乎深進曰他事則耆社固
不敢與而至於進饌捨耆社而誰哉上曰好矣
耆社粥進一器何如有漢臣馮異進蕪羹亭豆粥
故事矣翼蒼曰漢時豆粥倉卒所進而今當聖
世何必進粥乎益炷曰他饌無限何用粥為上

曰若設粥則明日當幸耆社矣榮進曰上教如是雖粥臣等當進矣上曰趙榮進智矣明日當與卿等食粥欲辦何樣粥乎榮進曰臣以好品粥待令而諸耆堂各進二器饌何如上曰好矣八十齋耆社受二器饌豈不美哉命書傳教曰噫冥然八旬尚今闕拜今日下問承下教以粥奉進云明日外三相已下教明當拜靈壽閣受此儀汪安徐當以駕轎詣留營留陣安徐待下教只入正時王世孫牌內隨駕只備堂隨駕侍衛只入直前後兩皆以內外澄入直隨駕○酉時耆社諸臣請

對入侍于集慶堂翼謦曰臣等既承下教今方
辦備饌需之際忽伏見下政院備忘記不勝罔措
敢此求對矣上曰何罔措之有翼謦曰招致
膳夫經營供具遽而停止豈不罔措乎益炷曰
靈壽閣已灑掃矣上曰然則難以中止矣粥則
卿等以何樣粥進之乎滌進曰欲進蓮子青太西
品粥矣上曰事非偶然予於昔癸巳年沁都之
行過通津府嘗進子粥矣命書傳教曰今聞耆
社諸堂所奏靈壽閣今已灑掃諸臣雖可拒
陟降敢欺強許凡諸等事依初下教舉行釋菜相

值管絃雖無可言予問者即山呼也莫重咫尺此則禁焉

上幸耆老所展拜 靈壽閣御耆英館受進饌

二十九日 上幸耆老所行都承旨沈順之左承
旨徐有太右承旨李在簡左副承旨申益彬右副
承旨趙宗鑑同副承旨洪楹記事官朴聖泰假注
書李明晉記事官白光澤鄭民始隨 駕 上教
曰李判府事仁陽君一體入參 上詣 靈壽閣
展拜奉宸 御帖以 御筆書癸巳年八十拜六
字出御耆英館 王世孫侍坐於東 耆社諸臣

入庭行四拜禮 上命時原任大臣耆社諸堂入
侍領敦寧金陽澤領府事韓翼墓左議政金尚結
判府事申晦李儼李思觀右議政元仁孫判敦寧
李益炆知事南恭齊安允行行司直邊致明沈穀
奉朝賀金始煥知事沈星鎮行司直趙榮進俞彥
述知事安偉行司直高夢聖仁陽君李景祐以次
進前 上曰 靈壽閣扁額誰所書也晦曰故判
書申鉉之筆而耆英館亦其筆也 上命先進二
床令中官陪進昌德宮 鄭祥吉翼墓曰自前皆
以雙笛前導矣 上曰今番則置之仍 命進饌

上下新製六言一句 命入侍諸臣隨駕備堂廣
進隨駕儒臣入參翼簪請進樂 上曰 靈壽閣
咫尺似如何矣翼簪曰者社進饌誠曠絕之盛舉
呼嵩張樂斷不可已矣 上命世孫詣 靈壽閣
替奏以來 王世孫即詣 靈壽閣俯伏奏曰臣
今日受饌時大小諸臣力請鼓吹山呼而以其逼
近之故恐或壓尊初不敢許頃年齋室諸臣之山
呼也聲徹殿門則既有可據之例強許所請先此
替告初令春坊陪詣審聽奏辭歸出一本給予汪
書倅載日記 王世孫回奏 上命進鼓吹 王

世孫進爵後三呼千歲諸臣皆呼千歲諸大臣著
堂以次進爵皆呼千歲 上命書傳教曰耆社堂
大臣廐馬一匹面給諸堂熟馬一匹賜給守直官
兒馬一匹負役熟手以下依厨院例施賞今日樂
工亦施賞又 命書曰嗚呼五十予隨入八十來
此誠是千千萬萬料表是誰賜是誰民嗚呼此時
豈循常例回駕時自洞口至闕門捧上言以通下
情

十二月召見耆社諸臣親行殿最

九年癸巳十一月十一日

上御集慶堂親行耆老堂上殿最耆臣

領中樞府事韓翼謩判敦寧府事李益炆行知中
樞府事南恭濟行司直沈穀行知中樞府事沈星
鎮奉朝覲金始煥行司直邊致明行司直趙榮進
行司直高夢聖知中樞府事安傑行司直洪晟守
直官黃錫範金履權承旨徐有大概注書中應淵
記注官卜台鎮趙夢癰以次入侍 上命注書讀

耆堂座目 教曰予為耆社首堂上此亦太席矣
命書貶題後榮進曰各司貶坐時例有饌床臣敢
以數器膳仰進未知何如 上曰麪一器持米翼
謩曰請加一器 上笑曰唯仍教翼謩曰洪晟之

年多於卿乎翼蒼曰然矣 上曰使予至此洪晟
之功也書上上 上曰畫講為之只儒臣持冊入
侍者堂中李益炆為特進官承旨為叅贊官侍讀
官李譙彬檢討官洪暘漢持冊而入 上曰今日
畫講與他日有異予當先讀烈女傳上下番各讀
後者社諸臣亦各讀一大文可也又 教曰此予
於諸耆堂何如皆曰諸臣何敢比乎 上曰予愈
於高夢聖而不及於沈敷矣高夢聖與畫像肖乎
下 御製七言二句 命入侍諸臣廣進又 命
時原任大臣入侍領議政金相福領敦寧金陽澤

左議政金尚結判中樞府事李思觀右議政元仁
孫入侍 上進御小膳後 教曰予既先嘗時原
任及耆堂同食可也翼簪曰李益炆長子方為開
城留守次子在陽城任所而其父以此時離遠京
闕有所不敢尚未一番就養於兩子之任所且百
里外守令不得上京頃有飭教故不敢上來云當
此歲暮其孝父情私可矜其在侍耆臣之道宜有
軫念之恩若以近地相換使便宜來覲似好矣
上曰其父之情私宜可軫念矣仍 命書傳教曰
頃者雖飭予意亦若何今聞道臣不受由云其涉

過矣因此有思家有涯八其父而在於二百里地
其宜體下令該曹陽城縣監李禹圭近處相換又
命書傳教曰嗚呼今者此舉意蓋深矣者堂中過
致明高夢聖聞其年予懷萬倍各賜帀皮一令以
表予意今日者堂安允行病不忝予庸張焉令該
曹特給食物以示予意

領府事韓翼墓 既得男子為卿復祝 上

判教李益炆 尚今若此飲乳之功 上

知事 南泰齊 若問最强捨此誰先 上

行司直沈 數 其強可尚明將八旬 上

知事 沈星鎮 一何其強予則曰前 上

奉朝賀金始煠 嗟哉重臣甲戌同庚 上

行司直邊致明 頃見曰強今何向衰 上

行司直趙常進 老當益壯窮且益堅 上

行司直高夢堅 莫云其老古今一也 上

知事 安係 何云耆社予曰少年 上

行司直洪晟 此人是誰松節主人 上上

五十年甲午正月 上御隆武堂召見耆社諸臣賜

饌

十七日 上御隆武堂 命耆臣領府事判取寧

與八十二歲人今年新入耆堂入侍領府事韓翼
謦判敢寧李益炆八十二歲人行司直邊致明新
入耆堂知事鄭基安進伏 上各詢起居寢食命
墨戲新入耆堂呼新未進退 上歡笑命進饌膳
還為宣給耆堂及承旨同食 教曰今日召卿意
蓋深矣何立表意特賜邊致明一龍表裏五斤肉
九月 上御集慶堂召見進箋耆臣

十八日藥房入侍時 傳曰耆社諸臣明日令該
曹衣資食物題給以示予意二十日耆臣等奉箋
謝恩 上召見于集慶堂藥房入診同為入侍都

提調李淑提調鄭存謙副提調李埤耆臣判府事
韓翼養左議政李思觀判敦寧李益廷行知事南
恭齊行司直沈穀安允行沈星鎮仁陽君李景祐
行副司直邊致明高夢聖李廷詰趙榮進安僉韓
師直洪景洪陪遠以次進伏 上曰時原任大臣
入侍領議政申晦領府事金相福領敦寧金陽澤
判府事金尚誌入來進前問 候 上曰今日即
挿花佳舊邸之日也昨日受賀今日卧此是豈結
述乎晦曰以藥院直宿之故不敢仰請而今番賀
禮後進饌豈可不為乎 上曰卿等之心則必如

是而豈可為之乎冀墓曰此實有光於聖孝和
平聖心以受當行之禮伏惟耆社十六人入來
矣臣等進箋陳謝而感祝之心豈盡形容乎藻院
直宿之時故不敢盡奏而耆社之臣果於諸臣臣
等受賜豈敢燭餉乎欲為進膳矣晦曰耆社厨院
前年亦為之矣尚誥曰次第舉行之事矣思觀曰
臣等受賜感恩而不為則臣等之心當何如乎
上曰耆社則同官矣似欲為之矣丙戌年亦繼述
行之矣卿等必將賀興宴矣諸大臣齊聲曰臣等
之心殿下已俯燭矣上笑曰然則卿等負擔

矣尚詰曰耆社諸臣容貌皆如舊矣 上笑曰不信之言矣領相明年入之乎晦曰然矣 上曰昨日亦豐亨太康矣踰今日後豈可為之乎晦曰豈可如是 下教乎尚詰曰無論進宴欲進豐亨豈為過乎 上曰海西有雹灾云矣晦曰每年秋冬之交不無如此矣相福等又陳請 上曰漢唐後無之矣相福曰堯舜後未有矣臣等躬逢十一之會而每有抑鬱之情矣 上曰每累十六年今歲三十春亦古無之事矣思觀曰自此以來無非臣等歡抃之日矣 上曰時原任皆退耆社臣進前

益炆等進前曰耆社之多皆由 聖化之咸囿而

耆社與諸臣有異矣臣等受賜感恩而不能展一
分忱誠則出去之時豈不有愧於街童走卒乎六
月奉司康貶時自 上有下教故臣與李景祐以
一床饌待令矣今耆豈可不許乎諸耆臣迭進齊
請 上笑曰一梓糖今日持來可也益炆曰臣等
已承 下教不敢煩聒矣康貶時一床入之今亦
當依此持入笑 上曰四五器持入○已時 上
教曰只以一器隨持入事傳于耆社諸臣耆臣判
府事韓翼巖左議政李思觀判敦寧李益炆行知

事南恭齊行司直沈穀安先行沈星鎮仁陽君李
景祐行副司直邊致明高夢聖李廷詰趙榮進安
焦韓師直洪晏洪啓遠等陪進麵一器棠糖一器
果三器煎油魚一器片肉一器酒一壺銀盃卽已
亥賜與者也奉進榻前諸臣拜進壽盃上霑唇
後進御棠糖三枚諸臣齊聲山呼再山呼益炷曰
進饌不腆惶悚萬萬而安開他司進饌之路慶幸
之至矣上笑曰惟說也又教曰豐亨也太康
矣命退

五十一年乙未二月召見耆社諸臣

十七日 上召見耆社諸臣判教寧寧蓋延行知
事安允行沈星鎮沈敷行司直邊致明趙榮進韓
師直知教寧寧廷結都承旨尹著東假注壽柳孟
養以次進伏 命耆臣進前 上下詢榮進曰年
幾何榮進曰七十三矣 上曰見之久矣所食何
如榮進曰一食四合矣伏聞今日湯劑日進三貼
云不勝慶幸矣 上曰勸湯即時體矣榮進曰何
謂時體乎安是秉彛之性也雖如臣之賤者所食
藥物若或間斷中氣虛乏若繼食則顯有效矣
上曰耆社有何官味乎榮進曰有粥米藥債生日

有若干物矣 上曰安先行所食何如先行曰日
食四合矣 上曰能吐而食乎先行曰然矣 上
曰聞卿服麥酒云然否先行曰服之有效矣 上
曰寢睡何如先行曰一夜三分二善睡矣 上問
滌進曰卿則寢睡何如滌進曰臣與韓判府以善
睡有名矣人定時就寢日出時始起矣 上曰可
羨矣韓師直年幾何師直曰八十一矣 上曰寢
食何如師直曰寢則半夜而一日所食不過五六
合矣 上曰行步何如師直曰漸減矣 上曰安
先行行步何如先行曰如前矣 上曰麥酒效乎何

不勸同僚乎韓師直有子乎師直曰有一子中年
失之只有一孫矣上曰其名何也師直曰克裕
矣上曰邈致明寢食何如致明曰寢則頗久而
所食三四合矣上曰沈星鎮年幾何星鎮曰八
十一矣上曰容貌何如益炆曰依前輕燥之貌
矣臣則新年初入侍矣天顏猶昔而神氣好矣
上曰卿尚飲乳乎益炆曰以痰症傳止矣上曰
予若飲乳好乎益炆曰聖候則不可進矣上
曰年幾何益炆曰七十七矣致明曰臣年最多而
所扶持者黑荏粥故也上曰何如足可食乎深

進曰可堪食而便道似滑矣 上曰沈穀李廷詰
寢食何如穀曰善寢而一食三四合矣廷詰曰臣
亦善睡而食為三四合矣 上曰耆耆會不可無
詩以五絕各製以進題則以耆耆會為之以耆字
韻押之可也 命賜汪書筆硯 上曰李廷詰耳
娶牙益炆曰為驢牧時六十八再娶而以官威為
之笑 上笑曰此是初婚矣 上先製二首詩諸
耆臣以次製進益炆曰以願斟北斗酒書奏伏願
備念此意焉致明曰此請不可不聽矣 上曰今
者此舉暮年豈偶然入侍耆耆八人各賜表裏一

觀賡進詩帖一件內入賡進人負亦頒賜

六月召見耆社諸臣

初四日 上御集慶堂召見耆臣領左相同為入
侍領議政申晦左議政李思觀行知事南恭濟安
允行沈星鎮仁陽君李景祐行司直趙榮進邊致
明韓師直申綱及承史以次進伏 上曰耆堂哉
人晦曰十人矣恭濟進前 上曰何如晦曰老矣
年幾何恭濟曰七十七矣 上以御筆親書七言
一句賜之曰賡韻以進恭濟曰今奉 御製當為
子孫之寶矣 上曰有子乎恭濟曰承旨玄老即

臣子矣先行進前上曰頃者不入今則入來矣
晦思觀曰臣等今日亦以耆堂入來矣星鎮進前
上曰何如晦曰貌不如前矣致明進前上曰今
日入來病果勝乎致明曰少差矣上曰卿庚子
年儒生乎登科乎致明曰是年為小科矣上曰
向者予為卿而使卿子為金匱矣景祐進前上
曰此則不老乎思觀曰猶不如前矣深進前
上曰年幾何深進曰七十三矣師直進前上曰
年幾何師直曰八十一矣綱進前上曰年幾何
綱曰八十六矣上命諸耆堂廣韻以進命書

傳教曰今日耆社十人雖非昔年人其府即同故
退慕中特召值今日亦莫能賜饌予庸恨焉令該
曹各表裏一襲賜給以表予意 上命已亥耆堂
子孫入侍行副司直李景中進伏 上曰年後何
景中曰六十一矣 上曰有子乎景中曰有子而
為進士矣任宗周進伏 上曰誰也都承旨安燕
濟曰故判書任望之孫也姜世晃進伏 上曰誰
也燕濟曰故判書姜覲之子也 上曰其子尚有
之乎 教曰監察姜世晃即故大提學姜覲子也
其涉異常既已陞六年過六十令銓書善地守令

懸註備擬其令官享洪若漢進伏 上曰誰也兼

濟曰故判書洪萬朝之曾孫也 教曰北部奉事

洪若漢噫乎丑建儲初賓客也今見曾孫予心若

何特為陞六調用以示予意金履基進伏 上曰

誰也兼濟曰故相臣金昌集之曾孫也 教曰今

金履基以故相金昌集孫其祖己亥年耆社臣况

今日入來中最長令銓書准職調用以示予意崔

粹綱進伏 上曰誰也兼濟曰故相臣崔奎瑞之

曾孫也 教曰嗚呼幼學崔粹綱即故奉朝賀曾

孫可謂叨留百世者其孫雖兄弟調用何代封勳

此後次第調用幼學崔粹養其曾祖戊申功存
社稷而仍其固辭莫施恩典況已亥年耆社臣予
懷一倍此人何拘常例令銓書懸註調用以表予
意黃基厚進伏 上曰誰也兼濟曰黃欽之曾孫
也 教曰幼學黃基厚已亥耆社黃欽曾孫況予
年十歲三加時其祖為賓贊官其父亦廩吏今見
曾孫其亦異常令銓書懸註調用以表予意黃基
玉進伏 上曰誰也兼濟曰昌城尉之子也 上
曰吾不知外孫之面矣汝年後何基玉曰十五歲
矣 上曰汝讀何書基玉曰方讀大學矣 命誦

一章記 教曰嗚呼予衰今日判矣其雖知特授
承旨亦莫能記況年少外孫乎莫能記今見乃覺
若此故年今十五尚未見焉已亥耆社人孫今八
十二歲君外孫初見外孫朴紹壽頃者宴時特命
除職申在善登科為承宣噫以耆耆社子孫為今
予外孫可謂稀矣況年今十五令諫曹口傳付職
申光儀進伏 上曰誰也兼濟曰故判書申鉉之
曾孫也 教曰噫今日此舉意在進慕故耆社申
鉉當孫年近五十以幼學入侍予心一倍幼學申
光儀令該曹懸註調用金履運金正厚進伏 上

曰誰也薰濟曰故相臣金昌集曾孫玄孫也教
曰今日此舉專在延慕故相金昌集曾孫既命陞
叙其餘兩人皆儒生其中金履運特為待賓懸註
調用其侄令校書館孟子俱訪解賜給以表追昔
年之意金濟萬進伏上曰誰也薰濟曰故相臣
金宇杭之孫也昨年初仕以年尚幼工未專謝恩
後即不仕矣上曰貴矣故相金宇杭豈特耆社
頃年崇政殿宴禮時氣象尚今思焉故頃者聞孫
名除職令聞以年幼故呈遞云其亦可取令芸閣
論語一部俱訪解賜給其令工夫事君申光憲進

伏 上曰誰也薰濟曰申鉉之曾孫也 教曰叅

奉申光憲中光儀之從弟而既授其職與金正淳

異焉其令鉉書右職調用李海柱進伏 上曰誰

也薰濟曰儒臣李謙彬之父也 教曰幼學李海

柱故判書李善溥孫昔年錫宴時欣然卿等來否

猶今仰承自首篇已錄今見其孫予心若何況年

過六十令鉉嘗先為懸註調用金國鉉進伏 上

曰誰也薰濟曰故相金宇杭曾孫也 教曰生負

金國鉉昨年思故相年幼呈達今見曾孫令該書

懸註調用

正宗十七年癸丑十二月 命行耆社貶坐宣饒賜
詩

初六日 傳曰今聞領相所帶衙門廢貶次第當
為之耆社貶坐亦當設行云而進叅之諸堂凡七
人時原任元輔二時原任吏兵判文任三內外偕
老者二事甚稀貴況起感於昔年甲子才有頒綸
於大庭者以此時祝慶之心凡係及老之典豈忽
尊年令度支備送煖飽之需於耆社齊會之日又
教曰耆堂中前判書任希曾未經判敦寧前知事
宋灝魯未經東班正卿云判敦寧李敏輔知敦寧

金順柱許達其代兩耆堂隨品除授耆堂中有罷
散人云飭已行前患堂金尚集叙用仍令該曹付
軍職使之叅坐於耆社十一日耆臣領議政洪樂
性領中樞府事蔡濟恭綾恩君具允明水原府留
守李命植行司直洪億判敦寧府事任希曾行司
直洪良浩行司直金尚集行司直趙瑛行司直洪
秀輔行司直鄭存中知中樞府事尹坊工曹判書
邊得讓知敦寧府事宋濟魯會于本社 上命史
官下 御製教假注書洪樂游曰甫父曾以實注
書入叅於 先朝耆臣貶坐時而甫又以注書適

值今日事誠不偶爾湏持此御製往傳耆社而賚
奉於龍亭細仗鼓吹以去又各賜耆臣人蔭一兩
貂皮六令

上御便殿親受耆社諸臣進箋謝恩

十二日耆社諸臣詣闕進箋上御便殿親受行

都承旨蔡弘履左承旨李義弼右承旨徐榮輔右
副承旨徐美修同副承旨宋銓假注書洪樂游金
錫恭記注官安經心金良倜一提學鄭民始檢校
直提學徐鼎修原任直閣徐龍輔尹行任檢校直
閣鄭大容南公轍分左右侍立上曰耆堂子孫

無論有職無職儒生童蒙皆令後陪入來進箋時
各其子孫扶掖以入假注書洪樂游承命出傳
領議政洪樂性子漢城府右尹洪義榮宗親府典
簿洪大榮孫幼學洪鎬基礦周初名領中樞府事蔡濟
恭綾恩君具允明子漢城府判尹具庠孫幼學具
孝元具悌元刑曹佐郎具忠元曾孫幼學具得魯
玄孫五歲童具玄壽水原府留守李命植子左副
承旨李冕膺行司直洪櫛子兵曹正郎洪大協進
士洪大衡判敦寧任希曾子前縣監任好常侄幼
學任季常行司直洪良浩子幼學洪樂浚議後名庶

子洪樂汝孫幼學洪祖榮徽鎮洪錫榮行司直金
尚集子幼學金裕鎮孫幼學金啓永行司直趙瑛
行司直洪秀輔子行副司直洪仁浩行司直鄭存
中孫幼學鄭世祐鄭世禎知中樞府事尹坊孫幼
學尹永喆工曹判書邊得讓子幼學邊相岳童蒙
邊慶百孫幼學邊重裕童蒙邊曾吉知敦寧府事
宋濟魯子幼學宋冕純以次侍立引儀唱進箋者
臣四拜又引讀箋官進箋 上曰節次稍久讀箋
則只舉頭辭職銜及伏念恭惟以下俾除老人久
立寒庭之勞讀箋官讀箋訖 上曰後四拜除之

只唱俯伏興平身可也禮畢 上曰大臣以下分
班進前子孫皆令隨後陞殿樂性等進前奏曰臣
等之昨日所被恩渥非徒耆社之曠典抑為往牒
之未聞雲漢昭回恩賜便蕃黃耆白髮相率蹈舞
齊聲攢祝只是祝慶二字而已今又 親臨受箋
恩光無前臣等生老太平際此盛會歛福錫福已
有 宸章之頒降而區區祝嘏之心竊欲酬錫福
之恩況在廷耆臣生丁壽域無不康旺此豈羣下
之所自致也莫非 聖人錫汝之恩前席獻慶無
踰於此矣濟恭曰臣等沐 兩朝雨露之恩俱登

耆社獲忝盛舉今又聯進前席此豈區區綿薄者
之所敢望者實賴壽域中陶甄之化也耆堂之會
者凡十四而八十之人筋力無異於六七十之人
七耄者亦無異於五十以上之人壽域之稱猶屬
例語竊欲以此諸福仰謝錫汝之洪恩矣樂性曰
耆臣在廷事曠簡毋呼嵩之忱情禮所在矣仍與
耆臣及叅班諸臣三呼千歲上曰新年之慶禮
當前諸耆臣有此齊祝予亦幸矣樂性濟恭等曰
臣等今日之慶會固已曠古所罕而仰瞻元子
侍坐此是吾東方億萬年無疆之休耆臣之一齊

登筵實為罕有伏願仰觀 睿光克伸羣情 上

曰唯樂性等進于 元子前拜 元子答拜樂性

等跪進耆社盤羞果品 元子問樂性曰老人平

安乎樂性曰年老無病今日入來矣因曰今日叅

班老人為幾員乎 元子曰十四人矣樂性曰搃

計老人之年為幾許乎 元子曰一千四十九歲

矣 上曰耆臣人負及年數昨已聞而知之今聞

耆臣進箋之舉自朝等待而坐此矣又 教曰以

念舊記昔之意昨日御製猶未罄懷而兩元輔十

四耆臣之同叅殿宸殆是耆社初有之盛舉今此

進箋之日瑞雪初霽冬候晴佳予之感舊不能自
已沉卿等逮事之心乎樂性等曰 聖教及此臣
等之感聳欣祝人人同情而至於賤臣則瘡病雖
如此竊庶幾待到壬戌躬覲盛禮矣 上曰癸巳
往事殆若隔晨而 親書耆臣之殿最又降煖飽
之資時予侍坐歡幸交至故相韓判府事之起舞
亦一貴飾盛事今日諸臣有記得者乎樞曰故判
書趙榮進同為起舞矣 上曰果然矣進箋時刻
定以午時者為念耆臣赴公之勞而晚來天晴日
又暄暖若不偶然養老別無他需略備小饌要與

卿等共之矣 命司謁各進一盤又命作樂以侑
之 上曰老人食有餘則分饋各其子孫又其餘
包歸可也樂性曰臣等既醉矣既飽矣竊附鹿鳴
天保之義明日進饌欲效獻芹之忱矣 上曰明
年又明年邦慶荐疊卿等少復之也元子受卿等
所進果品將有酬謝之意矣樂性等以次進前
元子親賜黃衣憲書於諸耆臣又賜中日課於耆
臣子孫樂性等拜跪而受曰諸耆臣荷此恩領感
頌蹈舞無以為謝願以諸老之齡齊獻我 元子
矣是時耆臣子孫亦進前 上指洪祖榮曰彼誰

也良浩曰臣之孫洪祖榮矣

上曰年幾何良浩

曰今二十歲而曾以童蒙再經入侍矣

元子召

五歲童具玄壽玄壽曲拜于

御榻之左仍拜

元子前

上教允明曰此是卿之幾世孫耶允明

曰臣之玄孫而得魯之子矣

上曰并卿而計為

五世也五世之同登一席豈不稀貴卿之福力可

謂伯仲於領袖矣具得魯之狀貌頗不忡忡早晚

決科可期而待渠之科工何如允明曰能不浪遊

矣濟恭曰今日盛舉實賴壽域陶甄之化而其中

尤有稀貴者耆臣尹坊聞是侍下云此豈不奇異

乎上曰然乎果是稀異而此與偕老者臣尤有
別焉豈可無別般示意之舉乎命書傳教曰今
日進箋耆社諸臣中知中樞府事尹坊奉老康旺
云聞甚稀貴衣資食物題給貞夫人南氏優數輸
送水原留守李命植行司直洪良浩洪槿行副司
直趙瑛知敦寧宋濟魯內外偕老令該曹衣資食
物題給以示尊年惠養之意綾恩君具允明一堂
五世之同登筵席尤覺稀貴衣資及宴需援例輸
送事分付命退退出

十九年甲寅九月耆社諸臣進御定人瑞錄上

御壽席齊親受引見耆臣宣饌賜詩

癸丑冬至日領議政洪樂性等言今日即明年之
亞歲而明年即我東方千一之嘉會也 慈殿聖
壽恰滿五十 慈宮寶齡光躋六旬而我 聖上
撫熙洽而敷聲明上奉 殿 宮怡愉之歡下貽
元良燕翼之謨諸福畢至太平有象請進號進宴
進賀於 殿 宮以賁飾洪休 上教曰予小子
之事我 慈殿如事我 先王 先王朝已行之
緼儀可述於今日我 慈宮寶齡又躋六旬而誕
育小子毓慶長發啓佑我無疆之邦錄當此申休

荐祉之辰呼嵩而稱賀奉觴而上壽玉冊金寶揚
徽闡義天理人情之不容已但 慈心愴昔過自
謙挹今得卿等之齊願可以藉手而積誠陳請卿
等且拱而竢之樂性等又啓達于 慈殿 慈宮
慈殿教曰慈宮回甲大殿御極二十年邦國之慶
之大孰有加於此者卿等以今日之請請於乙卯
予與慈宮當受宴號大殿亦當受賀於是 上臨
軒教曰逢今日之慶會祝獻萬年誠伸愛日賀宴
暨號一也而情到至處常常有未無盡之思明年
行一慶禮又明年行一慶禮年年歲歲時萬時億

如天地之悠久無窮又小子之至願也且事親莫
先於順志尊親莫大於述事 慈教懃懃懇懇則
以 慈心為心此順志也謹稽故事 先王春秋
五十癸亥賀 寶齡望六甲子宴 仁元聖母春
秋六十丙寅賀 寶齡回甲丁卯上號受爵明年
甲寅如 聖母丙寅 先王癸亥再明年乙卯如
聖母丁卯 先王甲子今於 慈殿五旬 慈宮六
旬一遵 聖母六旬 先王五旬之故事此述事
也來甲寅元朝行稱慶之禮告 廟頒赦設科取
人進宴進號則宗伯之臣稟旨於再明年乙卯乙

卽卽予踐阼之二十年臨殿受賀亦所以述事於
先朝癸亥順志於今日 慈教也粵翌年甲寅元朝
上率百官進箋進致詞禮物于 慈殿 慈宮大
覃恩域內 命朝官七十以上士庶八十以上進
資人一級年過百歲者并超崇政階資窮及朝官
七十而夫妻偕老者加賜米縣士庶未八十而偕
老者亦許進資朝官前啣及士人有地閥者悉令
付之樞啣而窠窄人衆難以排比則權置同僉樞
各十窠使之輪回差除又慮蒐訪之際下邑僻里
或有遺漏者 命隨得隨聞勿以煩聞為懼於是

內而有司外而守土之臣廣探博採次第名聞每
諸道啓本至承政院必稟旨召銓官不淹日下批
既下批列其姓名賚其教旨以送于道臣則道臣
祇受頒宣自歲首至六月年及格而資者二萬五
千四百九十五人夫妻偕老而沾恩者四萬九千
六百五十人摠為七萬五千一百四十五人而挈
其年合數之得五百八十九萬八千二百十歲初
上每覽京兆別單三都八路啓本必下內閣曰謹
識之是舉也所以廣孝也所以志瑞也其可無一
部文獻俾徵諸久遠乎至是京外皆以事竣告

上召閣臣指授義例編為一書 命名曰人瑞錄
其為例也道以經之邑以緯之推恩偕老以標之
大書夾注以別之義取諸圖表朝官之居于前倣
君子之養于學也士庶之列于後倣庶人之引年
也義取諸王制每一邑摠挈一邑老人之年齒而
揭其數以著其人瑞之實跡則義取諸耆英會摠
挈諸老年齒之例也書既成分 命大臣文蔭曾
經六官之長年七十者閱視仍 命內閣諸臣詳
載事實及義例大致而摠叙之為續是篇者之楷
範以新鑄活字印行以壽其傳至是工告完廼於

九月二十四日者臣頌議政洪樂性等具箋以進
俱以常服詣外閣奉書函箋函於龍亭儀仗鼓吹
前導由正門至殿庭上具翼善冠袞龍袍出御
壽康齋行都承旨沈煥之行左承旨沈晉賢行右
承旨金履成左副承旨徐英輔右副承旨李羽晉
同副承旨洪義浩假注書具得魯徐俊輔記注官
金良個記事官吳恭曾檢校直提學徐有防原任
直提學徐鼎修檢校直提學金載璜直提學徐龍
輔直提學鄭大容原任直閣尹行恂檢校直閣徐
榮輔及侍衛之臣分左右侍立者臣頌議政洪樂

性領中樞府事蔡濟恭綾恩君具允明判中樞府
事李命植判中樞府事洪良浩知中樞府事李敏
輔行司直洪櫓判敦寧府事金持默行司直趙瑛
知中樞府事邊得讓左叅贊洪秀輔行副司直金
尚集漢城府判尹申思運行副司直鄭存中行副
司直申應顯行副司直韓光際工曹判書柳鼐各
率其子侄孫曾入就位樂性跪授書函奉函官前
典簿洪大榮 昌陵叅奉具悌元公服對舉性自
中階安于案上 上命除展卷讀序文諸儀樂性
跪授箋函奉函官前正郎李始源副司正洪樂浚

公服對舉陞自中階安于案上展箋官兵曹佐郎
崔光泰權駿公服對舉箋案進箋諸臣跪讀箋官
副司果李相璜陞詣座前跪讀訖進箋諸臣四拜
上命耆臣中難於拜跪者令其子若孫扶掖之禮成
上引諸耆臣于前時元子侍坐 上謂樂性等曰
卿等奉五百萬之壽祇獻我 殿宮豎予若元子
予心欣悅當如何樂性等齊聲對曰臣等俱以耆
社之臣手擎人瑞之錄進于文陛之前而總繫此
七萬餘人之壽五十有億獻我 聖上及我 元
子宮以是為華胥之紀年為南國之龜曆為堯階

之奠莢繩繩子孫卜之於是穰穰遐福准之於是
无疆維休之寶錄亦以是為籌而加以倍之則為
百億千億衍而乘之則為萬億億億自茲以往巧
曆不能數臣等不勝蹈舞攢祝矣且昨日之雨連
宵滂沱曉來天氣和暢雲日清朗此亦非偶然矣
上曰今日之禮祝慶也祈永也而敬老養老之義亦
寓焉咨乃耆耆諸老長涵仁庥同樂太平俾我東
土為華胥為壽域也黃髮鯢齒紛顯一堂而總計
子孫曾玄之從入者優過百餘人是亦足為盛事
矣濟恭曰登筵者臣皆年享期頤位過卿月而回

龜回榜又此此有之此雖間世一有猶且詫為異
瑞况二十餘人之多乎人瑞錄中七萬餘人何莫
非人瑞而以今登筵者觀之尤可謂往牒所未聞
之瑞臣未知詩人所稱文王壽考之化果可擬倫
於今否也 上命宣饌于諸耆臣教曰此 慈宮
所賜也為卿等入來設此而待之湏各醉飽以其
餘逮于子孫可裏者裏去與妻孥共之以貴今日
之樂也又命耆臣孫曾中未冠者進見於 元子
元子以糖果囊帶之屬賜之諸耆臣亦以次進拜
於 元子元子答拜樂性等曰 元子宮周旋拜

揖動中節文岐嶷之容儼若天成歡欣萬萬而臣
等逢此慶會願效拳封之祝矣 上曰好美好美
樂性等遂三呼千歲於是殿上下皆三呼千歲
上曰是舉不可以無志予先拈一韻以唱之與建
者皆賡聯之而耆臣賦古體侍衛諸臣賦近體耆
臣子孫中六七歲以上亦皆製進裒成一帖庸識
人瑞之寶蹟可也仍賜法樂一部導之于家

領議政洪樂性率子前叅判義榮前典簿大榮
從子幼學世榮孫幼學萌周吉周耆周外孫幼

學金履祐

領府事蔡濟恭率子司僕正弘遠甥任前承旨
李儒慶

綾恩君具元明率子兵曹判書庠從子知敦寧
廩幼學廣孫 昌陵叅奉悌元從孫幼學陽元
曾孫假注書得魯幼學哲魯玄孫童蒙玄壽
判府事李命植率子開城留守冕膺幼學晚膺
顯膺

判府事洪良浩率弟前叅判明浩子副正字樂
浚從子前校理樂游甥任前應教鄭東 幹孫幼
學祖榮錫榮外孫幼學李源成

知事李敏輔率子前正即始源應教肇源孫幼
學龍秀鳳秀鶴秀驥秀童蒙彭鐵

行司直洪穩率子沔川郡守大應兵曹正即大
協進士大衡孫幼學疇從孫童蒙維城外孫幼
學朴齊賢朴齊華李止淵李致淵童蒙李永壽
判敦寧金持默率子谷山府使基厚從子幼學
基允基常基拓從孫敦寧叅奉宗善童蒙宅善
行司直趙璦率從子司僕僉正鎮奎幼學鎮翊
孫前正言得永幼學徹永

知事邊得讓率子幼學相岳孫童蒙曾吉

左叅贊洪秀輔率子前大司諫仁浩同副承旨
義浩孫童蒙初陽

行副司直金尚集率子幼學裕鎮孫幼學啓永
甥侄進士李儒壽外孫童蒙朴鳳慶

判尹申思運率孫幼學光訓光謹

行副司直鄭存中率子前叅奉文綏甥侄幼學
李光憲孫幼學世祐世禎

行副司直申應顯

行副司直韓光縈率子副正字齋裕從子司僕
判官大裕 顯陵令弘裕幼學通裕甥侄幼學

尹恒鎮孫幼學用錡從孫幼學用鐸用鉉用鍵
工曹判書柳慤率子幼學泐養從孫 宗廟令
謚外孫童蒙李祖植金炳益李憲述李奎植入
叅

按李敏輔金持默以蔭正卿年七十入叅非
耆堂也

純宗十一年辛未七月召見耆社諸臣宣醞

初一日 上御資政殿耆社諸臣宣醞右副承旨

洪羲俊同副承旨慎宜學後仗假注書金載成李

鐸遠別魚春秋洪敬謨記事官李龍秀直閣李光

文以次進伏引儀唱耆老諸臣四拜右議政金思
穆判敦寧府事趙尚鎮議政府左叅贊吳載紹議
政府右叅贊洪明浩行四拜訖陞殿宜學跪告誥
宣醞仍行宣醞禮訖上曰耆臣有未及入來者
云宣醞床送于其家可也思穆曰臣等猥蒙異數
宣賜法醞不勝感祝之愧而自前每有此等事耆
老諸臣摸像作帖即是故事也英廟朝時屢為
宣醞輒許摸像在先朝亦如之今番則何以為
之乎上曰今番亦為之也命耆臣先退思穆
等下殿行四拜禮禮畢退出

耆社諸臣進箋謝恩

初二日耆社諸臣進箋謝恩 上御景賢堂親受
左副承旨洪羲俊假注書金載成李鐸遠別兼春
秋洪敬謨記事官李龍秀直閣李光文以次進伏
羲俊曰三司不備侍臣未及待令何以為之乎
上曰侍臣除之引儀唱耆老諸臣四拜右議政金
思穆判教寧府事趙尚鎮議政府左叅贊吳載紹
議政府右叅贊洪明浩入就位行進箋禮四拜訖
通禮跪告禮畢 命耆臣先退退出

耆社志卷九目

戊編四

優老盛典

賜几杖

圖像

賜宴

覃恩



耆社志卷九

豐山 洪敬謨 編

戊編四

優老盛典

尊年敬老之禮先王之盛節也進國老於西序親割牲而養之其事在於禮自夫三代莫不以是為重降及漢唐雖或有尊禮耆德而不過為賜帛賜米而已逮至東方入我朝而尊年養老之禮雖不如上古之隆其遺風餘韻猶有足徵者且夫太祖大王親入耆社

待耆老尤有別焉逮乎兩聖朝入社之後
頻行湛露之禮亦命圖像而藏之又或几杖
以錫之尚齒之化覃於中外蓋自列朝以
來優老之典廼出尋常時行養老宴每於春秋
令節耆老之宴輒賜酒樂又或遇慶而推恩
於國老庶老凡諸恩渥俱是三代養老之義
而洵盛典也

賜几杖

詩曰肆筵設席授几有緝御月令曰仲秋天
子養耆老授几杖此三代所以養老之禮也

我朝亦倣此而行之凡文武官一品年七十人賜之以扶老此國典也而自國初只施於耆老大臣之有勲德者故列聖朝以來得與是禮之人指不多屈掌斂所傳不過二十九人而已或多遺佚而不傳歟抑以盛禮之不可濫而殊恩之或以施歟姑從掌斂所傳列錄于下而如有遺佚者可追錄之也

左議政成石璘

文武官一品年七十人宣賜几杖國制也成公之賜几杖未知在何時而依國典年至後

領敦寧盧公弼

待耆老尤有別焉逮乎兩聖朝入社之後

許之則以其年七十時在於太宗朝也此
下諸公之受賜於何朝亦未能詳知考其
年之七十時在於何年以某朝宣賜錄之

左議政許稠

左議政申槩

領議政河演

右三公并於世宗朝宣賜

領議政鄭麟趾

世祖十二年丁亥宣賜舊制中廢不舉至是

復之

領議政盧思慎

右贊成孫舜孝

左議政魚世諱

右三公并於燕山時宣賜

左贊成李 蓀

中宗朝宣賜

領議政柳 洵

中宗五年庚午宣賜柳公時以年七十致仕也

領敦寧盧公弼

中宗朝宣賜

領議政鄭光弼

中宗二十六年辛卯宣賜鄭公時年七十也

領議政洪彦弼

明宗三年戊申宣賜又宣醞賜樂于其家

領議政尹仁鏡

領議政尚震

左議政尹漑

左議政李冀

右四公并於明宗朝宣賜

領議政李浚慶

領議政權轍

領議政洪暹

領議政盧守慎

左議政鄭惟吉

右五公并於宣祖朝宣賜

領議政李景奭

仁祖元年癸亥李公以老病求遫上以其
進退係國家安危不許乃賜几杖宣教宣醞
賜一等樂景奭時年七十四筵臣引故文忠

公李元翼文正公金尚憲賜肩輿之例請施
優老之典有是命

領議政許積

領議政權大運

右兩公并於肅宗朝宣賜

領議政洪樂性

正宗二十一年丁巳宣賜又命宣醞賜樂

以恰蒲八旬也

領中樞府事金思穆

純宗二十九年己丑宣賜王世子令曰領

中樞府事金思穆恰滿九旬家國享太平之
福明時膺百祥之瑞以元老而無上壽豈可
無別般示意况值稀有之慶年尤可不同慶
共樂乎令戶曹宴需優數輸送宴日賜樂

行知中樞府事金履陽

當子十年甲辰宣賜以年滿九十也

領敦寧趙萬永

當子十一年乙巳宣賜時趙公以國舅年滿
七十而入社也



圖像

耆社之設蓋自國初而入社諸老之圖像前
未有也自我 肅廟入社後始命耆臣之同
社者各自繪像俾藏于耆英館自後耆臣之
入社者皆得有像寔出優老之特恩也

肅宗四十五年己亥二月 上入耆社四月 御便
殿宴耆老諸臣 命圖像

英宗二十年甲子九月 上入耆社御景賢堂宣醴
耆社諸臣 命像己亥例圖像

三十二年丙子八月十九日大臣備局堂上入侍時

傳曰己亥甲子既有耆英圖帖五十一人耆社踵踵
盛事之意而豈意到入耆社之年其年歲初展拜
靈壽閣率耆社諸臣入光化門而又至六十有三尤
是料束故今年召見耆臣於齋室今因左相奏耆帖
事有悟丙年之事豈無續義其時入侍諸臣一體圖
帖藏于耆社

己亥甲子丙午圖像時尹鳳朝李匡世以外未
參因領府事金在魯所奏 命一體為之

三十九年癸未 命耆社圖像

四十四年戊子 傳曰唐詩云少年天子愛邊功身

到凌烟畫閣中詔覓勲臣寫真樣長生殿裏作屏風
勲臣猶然況同入著社者乎且己亥以後著社中無
一不圖知中樞李山斗以安東古老年今九十雖同
在著社君未能見其臣臣未能見其君尋常思焉漢
明於勲臣詔覓真樣況近八同在著社乎今著社送一
善繪圖來御覽後同帖而圖來時令其子孫中持來
己丑四月藥房入侍時判府事李益炆奏曰昨年
春臣益炆臣南泰齊臣李之億臣李吉輔等四人
同時入著社之後以各成画像添附舊帖之意延
稟蒙允矣昨年前入著社諸臣中未及圖像者有

之一體為之何如 上曰依為之

四十九年癸巳閏三月初六日著社諸臣入侍時
傳曰曾已下教著社諸臣畫像尚未了當云依下教
為之事分付知中樞辛受米其令在京時為之
五十年甲午二月日著社諸臣入侍時 傳曰著社
画像依前為之

正宗五年辛丑正月日領府事金尚喆入侍時 上
曰卿等其圖像續 先朝舊事

八年甲辰正月日判府事李徽之入侍時 命圖像
俾延故事

十一年丁未 命著社圖像

十八年甲寅九月日進人瑞錄入侍時 命著社圖

像依前為之

純宗十一年辛未七月初一日著社諸臣宣醴入侍
時 命圖像依古例為之

右議政金思穆啓言 親御黼座台按臣等宣之
以法醴侑之以雅樂此誠稀有之盛事有盛事則
必圖畫諸臣之像作帖傳後乃是著社之古例而
物力不敷輒皆取用於戶曹故敢此仰達矣 上
曰依為之物力則取用於度支可也

十四年甲戌正月日

命耆社諸臣圖像勿為經票

依例為之

藥房入診時領中樞府事李時秀啓言臣犬馬之

齒根系耆社之列日前祇肅 靈壽閣奉審 御

帖後遍閱故事則前後入耆社之人或因 特教

或因提奏皆 命圖像作帖傳後此實昭代之盛

事而因經票之故或為或不為今之耆堂中未及

圖像者亦為五六人依近例令該曹備給物力使

之圖像此後每年進入之人不待經票自該曹給

物力圖像之意定式施行何如 上曰依為之

己亥圖像帖

領中樞府事李 濡

議政府領議政金昌集

判中樞府事金宇杭

知中樞府事黃 欽

知中樞府事姜 覲

行司直洪萬朝

行司直李善溥

漢城府判尹鄭 浩

議政府右叅贊申 鉉

知中樞府事任 墜

甲子帖

領中樞府事李宜顯

知中樞府事申思詒

行副司直尹陽來

知中樞府事李震箕

知中樞府事鄭壽期

工曹判書李聖龍

行副司直趙遠命

刑曹判書趙錫命

丙子帖

領中樞府事金在魯

知中樞府事中思詰

知中樞府事權福

行副司直洪重徵

行副司直魚有龍

行副司直尹鳳朝

行副司直柳復明

行副司直李重庚

行副司直鄭牙復

行副司直李匡世

癸未帖

領中樞府事俞振基

知中樞府事李誥輔

知中樞府事魚有龍

判中樞府事李鼎輔

行副司直徐命彬

行副司直鄭身復

漢城府判尹朴致和

判敦寧府事韓師得

判敦寧府事宋昌明

知中樞府事俞家基

知中樞府事金相奭

戊子帖

判中樞府事李益炆

京畿觀察使南泰齊

行副司直尹汲

致仕奉朝賀南有容

議政府右叅贊尹鳳五

行副司直沈星鎮

行副司直金始煥

工曹判書李吉輔

行副司直李光溥

行副司直李之億

知中樞府事李山斗

行副司直安允行

行副司直邊致明

癸巳帖

領中樞府事韓翼臺

行司直沈 穀

行司直趙榮進

行司直高夢醒

行司直俞彥述

知中樞府事安傑

行司直洪晟

知中樞府事辛受來

甲午帖

判中樞府事李思觀

仁陽君李景祐

行司直李廷詰

行司直韓師直

行副司直鄭基安

辛丑帖

領中樞府事金尚詰

綾恩君具允明

知中樞府事申 銅

致仕奉朝賀趙重晦

行副司直黃景源

行副司直黃 暖

行副司直尹東暹

議政府右叅贊權導

甲辰帖

領中樞府事李徽之

行司直韓光會

行副司直姜世晃

行副司直慎爾復

丁未帖

議政府領議政金致仁

領敦寧府事洪樂性

致仕奉朝賀徐命膺

致仕奉朝賀趙 瞰

行副司直尹 坊

行副司直宋載經

甲寅帖

議政府領議政洪樂性

領中樞府事蔡濟恭

綾恩君具允明

判中樞府事洪良浩

行司直洪 櫓

行司直趙 瑛

議政府左叅贊洪秀輔

知中樞府事邊得讓

議政府右叅贊金尚集

行副司直鄭存中

知敦寧府事宋濟魯

辛未帖

議政府右議政金思穆

判敦寧府事趙尚鎮

議政府左叅贊吳載紹

議政府右叅贊洪明浩

丁丑帖

議政府領議政徐邁修

致仕奉朝賀李敬一

吏曹判書趙尚鎮

議政府右議政金思穆

致仕奉朝賀金履翼

上議軍李集斗

議政府右叅贊宋鉉

領中樞府事李時秀

議政府領議政金載瓚

禮曹判書趙德潤

議政府左議政韓用龜

刑曹判書李普天

漢城府判尹趙弘鎮

工曹判書任希存

壬午帖

議政府右議政林漢浩

判敦寧府事朴崙壽

辛卯帖

議政府左參贊趙貞喆

判敦寧府事鄭尚愚

吏曹判書金相休

議政府左叅贊南履翼

判中樞府事鄭晚錫

廣州府留守李錫奎

領中樞府事南公輟

刑曹判書金 鉉

吏曹判書洪義俊

乙巳帖

判中樞府事李義甲

致仕奉朝賀徐有榘

議政府左叅贊金熙華

議政府右叅贊李志涵

知中樞府事金履載

刑書判書尹尚圭

判中樞府事金在昌

知中樞府事徐俊輔

兼吏書判書洪敬謨

刑書判書安光直

領敦寧府事趙萬承

臨江府志卷之四

縣志卷之四

縣志卷之四

縣志卷之四

縣志卷之四

縣志卷之四

縣志卷之四

縣志卷之四

縣志卷之四

縣志卷之四

賜宴

人君養老有四一曰養三老五更二曰子孫
死難養其父祖三曰養致仕之老四曰養庶
人之老我朝所行者惟三四二条而已設耆
社而月告存即養致仕之老也詢京外而歲
增秩即養庶人之老也善養之政自國初為
治教之一端時行養老宴然猶不如古昔盛
際至於耆英會春秋宴所資歸升平之象而
朝家輒賜酒樂以寵之此皆自國初行之者
仁祖朝以後闕而不行只有大耋之嗟而亦

貽有識之歎惜哉

世宗十四年壬子耆臣右議政柳寬以耆老宴日聞
上賜法醕

朝廷每於三月上巳九月重陽設耆老宴於普濟
樓又設耆英會於訓鍊院或盤松亭皆賜酒樂耆
老宴則前啣堂上往赴耆英會則宗宰年七十二
品以上及正一品以上及經筵堂上往赴禮曹判
書以諸事考察押宴承旨亦承命而往分耦投壺
不勝者取觶與勝者揖而立飲奏樂章以侑之遂
開宴大張絲竹各以次而傳觴必醉乃已日暮扶

携而出得與是會者人皆榮之

耆英會

三月三日九月九日

投壺奏洛陽春樂章

於皇我后善養耆耄時和歲豐辰良日吉載賜壺
矢以永今夕黃髮鮐背威儀抑抑庶幾多馬並壽
其福

世祖元年丙子三月耆老設宴于晉濟院上聞之
宣酒樂復謂承旨朴元亨曰耆舊大臣餘生無幾今
當宴會宜別有所賜遂給司僕獵獸使元亨往諭
七月命賜七十以上老人宴

十月行養老宴於大明殿與宴者共二百二十人

成宗四年癸巳九月耆老設宴于訓練院以宴日聞
上命二品以上年七十者并赴又命都承旨賁法
醞宰妓樂賜之越四日上御仁政殿復行養老宴
九年戊戌行養老宴於國學上具冕服酌獻于文
廟退御明倫堂行醕侑之禮侍臣學生凡二千八百
餘人上遂乞言于羣老

二十三年壬子九月行養老宴判中樞府事孫舜孝
曰今日開宴君臣同樂真太平氣象然社邑鰥寡
孤獨豈無不得其所者乎於是上諭諸道守令宴
羣老如儀

明宗三年十月行養老宴

光海二年庚戌壬辰後耆老宴會久廢至是歲十月始設行以宴日聞命中使與知申事金時敷宣賜法醞伎樂并行內外宣醞

仁祖元年癸亥九月本社啓言每歲春秋令節行耆老宴載在法典近因國家多事廢之久矣今於領議政李元翼賜几杖之時魚行者英會足為千古美談上可之乃宣醞賜樂

肅宗三十二年丙戌九月行老人宴于景福宮與宴者共一百五十人

英宗四十二年丙戌正月 命承旨賜庶民宴于通衢

閏三月初一日宴羣臣于崇政殿越二日又宴耆耆于金商門庶民耆老亦與焉

正宗十七年癸丑十二月賜宴于耆老所仍 命行考績

覃恩

國有大慶則又推恩於國老庶老或加資級或賜米帛至及於婦人之高年者亦是廣慶尊年之義也

世宗十七年乙卯教曰敬老之禮尚矣古之帝王或親臨宴衍或復子若孫皆所以示尊敬之義也今予在位凡尊高尚齒之禮悉復古制獨賜爵之典未舉予心慚焉昔唐玄宗於高年男女板授封爵今可授年九十以上者爵以示老老之仁

中宗三十六年辛丑三月右叅贊宋欽以年老乞骸

歸鄉 上召見賜酒欽時年八十三全羅監司宋麟
壽為構耆英亭於其鄉以榮之

仁祖四年丙寅十二月 教曰老老尊賢為國先務
時當歲窮年八十躋二品而無有清操者賜衣資酒
饌以示優老之意

七年己酉命 宣廟朝卿宰年八十人并加資

孝宗五年二月加判中樞府事金蓋國青松君沈諮
資二人時年八十餘士庶年老者四百七十四人亦
加通政階已通政者加一級百歲以上加賜紬絮

八年丁酉十二月 上進宴于萬壽殿賜國中高年

米肉有差以及老之義也

肅宗四十年甲午九月進宴後 命依丙戌庚寅例
大臣宰臣堂上及夫人年七十以上賜米肉耆老宗
班年七十以上賜衣資米肉朝士夫人及婦女年八
十常漢女人年九十以上并賜米肉宰臣侍從臣父
母年七十以上或加資或賜衣資食物

四十五年己亥二月 上八耆社命朝臣四品以上
七十及五品以下至士庶八十以上並施加資

二月十三日藥房入侍時都提調李順命所啓尚
齒之風三古聖王之所同尊高年所以興孝悌之

教雖在常時固宜敦化今當三百年再有之慶臣
民耆老之人似當別施恩典而恩典重事臣不敢
直請而既有所懷故敢陳矣 上曰當如所達矣
願命曰朝官四品以上年八十加資自是法典而
今則似宜有加於常規朝官年七十以上士庶人
年八十以上并施加資之典未知何如提調閔鎮
遠曰皆褒品加資乎願命曰褒品則似過矣鎮遠
曰然則嘉善則陞授嘉義通政則陞授嘉善其它
亦當視此有差矣 上曰依所達舉行可也傳曰
宗班年七十之人一體加資事分付該曹

右議政李健命劄子伏以昨伏聞選中有朝官七十士庶八十以上加資之命今茲耆社之降屈實繼太祖朝義事而國朝三百年始幸再有則允係推恩亦宜覃普第爵賞人主礪世之大防非如一時錫賚之比則宜簡而不宜濫授今若朝臣四品以上七十及五品以下至士庶限八十則視常典有加等之別而庶無僭踰之患矣伏乞卹下更為入稟大朝亟賜裁量焉

荅曰省劄具悉卿懇今茲盛禮實是稀有之大慶則推恩之典視前有別而劄辭如此令該曹問于他大

臣稟處

吏曹達曰問于大臣則判府事李願命以為此事
臣所陳請不敢獻議判府事金宇杭以為國朝稀
有之慶別施優老之典所不可已而以朝官職品
之高下有所區別下比士庶使同是耆老之人不
蒙均被之澤豈不為欠事云云領府事李濡判府
事徐宗泰領議政金昌集病不收議判府事趙泰
來以為今此盛舉稀有之大慶凡係恩典視常例
宜加而第朝士七十以上并許加資殊極濫觴然
而四五品區別既涉不均且猶無節臣意則耆社

諸臣躬際斯會與它朝臣有別特施超升之典以示寵異之意此外朝士勿論職秩高下限八十加資使名器不至僭踰并請 徽裁大臣之議如此敢達 令曰病不收議大臣處更為問議

吏曹達曰更問于大臣則領議政金昌集以為右議政李健命劄語斟酌可謂得中而判府事趙泰采獻議足為特施之典又兼慎惜名器之意似尤的當伏惟 徽裁領中樞府事李濡以為國家優老之典自有定制朝士之四品以上年八十者外至於士庶則年雖八十不許循例加資今因三百

年來再有之大慶擺脫常規特施覃普之澤則朝
士四品以下年七十與士庶年八十者其破格一
也此出於一時稀濶之別恩則似不必以濫觴為
慮伏惟 徽裁判府事徐宗泰病重不得叔議大
臣之議如此敢達 荅曰此事仰稟于 大朝則
右相劄語斟酌得中可從之為 教依此舉行

英宗四年戊申九月進宴于 慈殿命賜士夫年八
十庶民年九十以上酒米炙肉

二十年甲子 上入耆社依已亥例推是朝官士庶
年七八十以上

二月初十日吏批啓曰今初五日大臣脩局堂上
入侍時領議政金在魯所啓已亥年耆社覃慶
老人推恩初則以朝官年七十以上皆加資定奪
而故相臣李健命陳劄以為太濫請朝官四品以
上年七十及五品以下至士庶年八十并加資嘉
善以上毋得超資慶品事改定棄矣今番當一依
已亥之例令該曹考出啓稟何如上曰依為之
事命下矣取考已亥謄錄則宗臣年七十朝官
四品以上年七十五品以下及士庶年八十以上
自臣曹訪問明知其年歲者今日政為先舉行之

意敢啓 傳曰知道

傳曰既有王孫婦衣資食物輸送之教而敬大臣亦在於九經者舊大臣家令該曹從厚輸送以示昨日缺然之意宗臣年七十人食物衣資從厚題給密昌君以昔年舊宗年亦近七十一體舉行以示予敦宗之意

二十二年丙寅春正月 上陳賀于 慈殿以寶齡

六旬也 命朝臣年七十以上士庶年八十以上

王曾孫婦外孫婦年老者朝士婦女士庶婦女年老者依 肅宗丙戌例賜賚有差

二十三年丁卯春正月上尊號于 慈殿 上親受
尊號依 肅廟己例朝臣四品以上年七十士庶年
八十者加資大臣及資窮人食物存問

三十二年丙子春正月加上尊號于 慈殿 上親
受尊號朝臣七十以上士庶八十以上並加資

七月 上以 東朝七旬召耆社諸臣宣饌以歸慶
越數日率耆社臣及宗親文武卿宰年六十以上進
賀于 東朝既而又欲士庶同慶設耆老科儒武六
十以上試取圻號唱名如例

四十九年癸巳正月以 聖壽八十即位五十年

上御崇政殿受百官賀召見八十歲耆老於興化門
賜衣資食物

正宗七年癸卯正月 命耆老大臣家加送歲饌

十四年庚戌六月 元子誕生 上親上賀箋于

慈殿 慈宮受百官賀 命朝官年七十以上士庶
八十以上各加一資近百歲老人加給米肉京外受
資者凡二萬五千八百十人

十五年辛亥六月 元子初度誕辰 上曰仰祝純

嘏俯祈永命其識喜當有同慶京外百歲以上人朝
官年八十以上士庶九十以上并賜米肉

十八年甲寅是歲 慈殿 聖壽恰滿五十 慈宮

寶齡光躋六旬 御極二十年受賀 命朝官七十

以上士庶八十以上晉資人一級年過百歲者並超

崇政階資窮及朝官七十而夫妻偕老者加賜米綿

士庶未八十而偕老者亦許晉資內而五部外而八

道四都年及格而資者二萬五千四百九十五人夫

妻偕老而霑恩者四萬九千六百五十人總為七萬

五千一百四十五人而挈其年合數之得五百八十

九萬八千二百十歲 上指授義例編為一書命名

曰人瑞錄

十九年乙卯正月大臣卿宰年六十以上人特賜歲饌遣郎官存問以慈宮周甲之慶年也

二十四年庚申正月冊元子為王世子仍行冠

禮命朝官年七十士庶八十人并加資

純宗十一年辛未六月上御景賢堂頒魚果于朝

官七十七歲老人教曰明日即慈宮千秋節也

小子祝嵩之忱何年不然今以遙和之餘康安如常

當推欣幸之誠以廣示喜之舉時慈宮寶齡七十

七歲也

十二年壬申命大臣卿宰年七十以上人遣醫官

問其疾病有無以來



